



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 62. Novi motus inter Solothurnios & Bernates.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII. Balgacensibus, Marbachianis, & Sa-
 A. C. 1632. Margarethanis integrum esset, ex Hel-
 vetis, consentiente Abbate, Præconem
 eligere, ita tamen, ut hunc Abbatem
 sisterent, ab eo confirmandum.

§. LXII.

*Novi motus inter Solothurnios &
Bernates.*

*Lotich. l. c.
Priorat.
Hist. di
Ferd. II.
p. 1. l. 8.*

Vix sopita erant Tigurinos inter & Ca-
 tholicos Ordines dissidia, cum motu
 gliscerent exinde orta, quod Tigurini, &
 Basileenses Calvinistæ hoc anno duces
 tos præfidiarios Mulhusio Alsatia civitatis
 imponere decrevissent, & Bernates quo-
 que pro sua parte quinquaginta milia
 tes eo nomine emitterent. Verum hi
 cum Clausam insalutatis Solothurniis,
 ad quos hic aditus spectat, transirent,
 inopino impetu a duobus Præfectis So-
 lothurnianis cum validiore agmine in-
 vadebantur, atque in arctum quemdam
 locum propulsi, tum strictis ensibus,
 tum bombardis hostilem in modum ex-
 cepiebantur. Profugerant alii trans toe-
 rentem, alii vero injectis hastis ex ponte
 dejecti trucidabantur: ceteri vero in-
 ter sæda convitia spoliati, in custodiam
 abripiabantur. Re comperta Solothurni-
 ni confestim Legatos suos Bernam de-
 creverunt, qui hanc violentiam incho-
 Mag-

Magistratu factam deprecarentur. Ve-
 rum Bernates Calvinistæ in furias acti
 postularunt, ut Solothurnii aut Parricidas traderent, aut ipsimet illos capite plecterent, cæforum uxoribus, liberisque satisfacerent, vulneratis vero & spoliatis damna compensarent, hisque conditionibus adimpletis, quid Bernates ultra decreturi essent, tunc primum præstolarentur Solothurnii: cum autem hi leges a sibi æqualibus præscribi haud paterentur, Bernates, quia illis potentiores, mox undique Solothurnios cinxere, interclusisque aditibus annonam eis denegarunt, unde Solothurnii ad extremam famis calamitatem brevi fuere redacti. Ingravescentibus indies hisce dissidiis ceteri undecim Cantones seu Pagi rem componere adlaborabant, habitis hanc in rem Badenæ tribus comitiis, ad quæ Franciæ Rex a Catholicis imploratus, suos Legatos decreverat. Hos intererat Rohanæus Dux ex Rhætia eo profectus, qui habita oratione dissidentes ad pacis studium egregie hortatus est, eisdem hæc proponens: „Nihil est inter mortales ad collidendos animos „potentius, aptiusque, quam Religio- „nis diversitas, unde omnia nimis ca- „lida consilia, quæ sub hoc obtentu „inspirantur, sunt evitanda, potius ergo
 Pp 5 „Majo-

Sæc. XVII.
 A. C. 1632.

Sæc. XVII. „Majorum exempla imitami, qui mu-
 A. C. 1632. „tua concordia vobis libertatem per-
 „perunt. Absit igitur, ut per cruen-
 „tam vindictam vos veros esse Christia-
 „nos demonstretis: salutari Regis ma-
 „consilio attendite, non autem fusu-
 „rationibus illorum, qui sub Religionis
 „obtentu vos in fatalem ruinam præci-
 „pites agunt. Hi enim, qui ob am-
 „bitionem haud tolerandam per un-
 „versum Orbem fidem Catholicam ex-
 „tremo exponunt periculo, quid alia-
 „gant, nisi quod neque Ecclesiæ sue
 „Capiti convitiis, neque Christianis
 „mo Regi parcant, cum tamen hi, qua-
 „tum in ipsis est, omnia impendant, ut
 „ab aliis corrupta, in rectam semitam
 „revocent, emendentque. Enimvero
 „hac tempestate per Germaniam fides
 „Catholica nullam habere securitatem
 „videtur, nisi sub patrocínio Christia-
 „nissimi Regis, qui quidem fidei Ca-
 „tholicæ conservationem inter præci-
 „puas reponit curas, adeo, ut Prin-
 „cipes, Ordinesque, etiam adversari-
 „Religionem profitentes, in solius, et
 „que unici Regis auctoritatem oculo-
 „conjicientes, in locis a se occupatis
 „Catholicæ fidei exercitium permittant
 „liberrimum: Unde, absque Regis pa-
 „trocínio jam pridem hæc Religio sub
 „graviori discrimine periclitaretur.

Postea

Sæc. XVII.
A. C. 1632.

Postea Rohanæus in Regis encomia liberaliter effusus, Bernatibus promisit, quod Rex proxime ad componenda hæc diffidia alium Legatum eo decreturus esset. Percepta hac Regis sollicitudine Catholici ad reddendam pacem nil reliquum fecere, Calvinistæ vero pertinacius instabant, ut Solothurnii Parricidas capite damnarent: dum autem in delinquentes mitiorem sententiam fuisse pronuntiatam inaudierant, jurabant Bernates, se rescissis fœderis mutui tabulis Solothurnios pro peregrinis habituros. Incassum Solothurnii opponebant, quod domesticorum, fratrumque suorum sanguine, ubi scelus mitiori pœna sat elui posset, manus polluere exhorrescerent, nihilominus Bernates vindictæ suæ flammam haud aliter, quam Catholicorum cruore extingui posse declararunt. Eapropter ceteri undecim Ordines tandem has reconciliationis leges proposuere: Restituta annonam advehendi libertate Philippus a Roll Bechburgi Præfectus necnon Hensellus ejusdem famulus perpetuo multentur exilio, si vero intra Ordinum fines reperiantur, capitis pœna plectantur, Præfecti bonis nihilominus in fiscum redactis. Ursinus vero Brunnerus Falckenstenæ Præfectus sexennalem proscriptionem subeat, & perpe-

Sæc. XVII. A. C. 1632. perpetuo a publicis excludatur officiis. Hi vero, qui miseros de ponte dejectos interfecerunt, in custodiam redacti pro culpæ merito severe plectantur; qui vero convitia & calumnias in eos sparserunt, publice palinodiam canant, damna vero ex proscriptorum bonis compensentur, ac tandem mutua sit præteritorum oblivio. Has leges Solothurnii prompto animo acceptarunt. Calvinistæ vero reclamabant, his Catholicorum pœnis effuso Calvinistarum sanguini nondum satis parentatum ratum tanto igitur cruoris aviditati cedens compulsi Solothurnii, quosdam ex reis mortis supplicio affecerunt, ut tandem Bernatum vindictam cruentis illorum victimis placarent.

§. LXIII.

Christianus Guilielmus Marchio Brandenburgicus ad fidem Catholicam reversus.

*Brachel.
Hist. l. 4.
Adl. An-
nal. Boic.
part. 3. l. 17.
Kraus exem-
pla convers.
cap. 13.*

Eo tempore, quo Gustavus Suecicus Rex Lutheranam sectam tuendi obtentu usus, Germaniam invaserat, Christianus Guilielmus Marchio Brandenburgicus Magdeburgensis Administrator eandem sectam, cujus beneficio Halensium Episcopatum usurpaverat, hoc anno die trigesima prima Maji abomina-